

古賢小字錄序

夫人立身穹壤間皆有名亦皆有字而其幼也不能無小字然小字之呼爲父母者或因所感或

或表所愛多以義而起焉者雖古之明帝王良將

以及名儒碩士初未嘗無小字至如宋之制科取天下士而士之小字亦題於廷試錄其不輕忽於此也蓋可見矣搜訪陳先生思在宋以富學雄才稱秩居祕閣遍讀史籍採摘古人之小字纂次成編而其用心之勤稽古之博吁亦可尚也哉第其板刻寡傳而人獲覩之者少予舊蓄此集公暇取閱足以充拓見

聞而獨喜先生於此一小節乃亦不肯忽而錄之而示後人爰伐梓託壽庶以表良工之苦心也嗚呼小字人生之纖末事耳尚有好古者掇以成書而傳於天下後世則其人之道德文章功勛節義有關於綱常風化益於國家生民者豈不有人錄之以爲範耶若夫奸讒佞譎而爲吾道中之罪人者亦未必無人紀之以垂戒萬世是則吾人之有生於一言一動微安可以不慎乎故君子必慎其獨而小人必多爲不善殊不知鼓鐘於宮聲聞於外彼其是非泐慝難揜於君子之洞察而垂芳遺臭之機判於此矣

因記繡梓之歲月涉筆有感而漫識如右同志者未知以予言爲然否

歲甲子春仲上浣崑山觀樺子吳大有畫

吳軒



國家圖書館, NATIONAL CENTRAL LIBRARY, TAIWAN, R.O.C.

目錄
八
金
刀

古賢小字錄卷上

宋成忠節緝熙殿國史實錄院祕書長史搜訪官陳思纂次
歷代帝王

阿瞞

魏太祖武帝姓曹諱操字孟德漢相國參之後
名吉利小字阿瞞

魏本紀

寄奴

宋高祖武帝姓劉諱裕字德輿小字寄奴

宋本紀

車兵

宋少帝諱義符小字車兵武帝長子

宋本紀

國立中央圖書館 中央圖書館, TAIWAN, R.O.C.



車兒

宋太祖文帝諱義隆小字車兒武帝第三子宋本紀

道民

宋世祖孝武帝諱駿字休龍小字道民文帝第三子宋本紀

法師

宋前廢帝諱子業小字法師孝武帝長子宋本紀

榮期

宋太宗明帝諱彧字休煥小字榮期文帝第十一子宋本紀

慧震

宋後廢帝諱昱字德融小字慧震明帝長子明帝諸子在孕皆以周易筮之即以所得故為一故

帝小字慧震宋本紀

知觀

宋順帝諱準字仲謨小字知觀明帝第三子宋本紀

鬪將

齊太祖高帝諱道成字紹伯小字鬪將姓蕭氏齊

本紀

龍兒

齊世祖武帝諱贖字宣遠小字龍兒高帝長子生
建康縣之青谿宮將產之夕陳孝皇后昭皇后並
夢龍據屋故小字爲龍兒齊本紀

法身

齊廢帝鬱林王諱昭業字元尚小字法身文惠太
子長子齊本紀

玄度

齊高宗明帝諱鸞字景棲始安貞王道生小
字玄度齊本紀

練兒

梁高祖武帝諱衍字叔達小字練兒姓蕭氏漢相
國何之後梁本紀

六通

梁太宗簡文帝諱綱字世讚小字六通武帝第二
子梁本紀

七符

梁世祖武元帝諱繹字世誠小字七符武帝第七
子梁本紀

法真

梁敬帝諱方智字慧相小字法真元帝第九子梁本紀

法生

陳高祖武帝諱霸先字興國小字法生姓陳氏漢

太丘長寔之後也

陳本紀

藥王

陳廢帝諱伯宗字奉業小字藥王文帝長子在位

無人君之器太后稱文帝遺志廢為臨海王

陳本紀

師利

陳高宗孝宣帝諱瑱字紹世小字師利始且昭烈

王第二子嘗被酒張燈而寢總適出尋反乃見帝

乃大龍便驚走他室

陳本紀

黃奴

陳後主諱叔寶字元秀小字黃奴宣帝長子

陳本紀

那羅延

隋高祖文帝姓楊氏諱堅小字那羅延漢太尉震

十四世孫大統七年六月生于馮翊般若寺有尼

來自河東謂皇妣曰此兒所從來甚異不可於俗

間處之皇妣嘗抱高祖忽頭上出角遍體鱗起皇

妣大駭墜於地尼外入見曰已驚我兒致令晚得

天下

北史隋本紀

阿廢

隋煬帝

阿廢高祖第二子高祖嘗密令

善相者來和視諸子和曰晉王肩上有雙骨隆起貴不可言及太子勇廢立為皇太子隋本紀

雉奴

唐高宗諱治字為善小字雉奴太宗第九子始封晉王太子承乾敗太宗陰許立魏王泰長孫無忌固欲立晉王帝以太原石文有治萬古復從無忌帝猶謂無忌曰公勸我立雉奴雉奴仁懦得無為宗社憂奈何唐濮恭王傳

桃符

晉齊獻王攸字大猷小字桃符文帝第二子親賢好施愛經籍能屬文善尺牘特為文帝所寵愛每見攸輒撫牀呼其小字曰此桃符座也晉本傳

智隨

宋武陵王贊字仲敷小字智隨明帝第九子宋本傳

閻梨

齊江夏王鋒字宣穎小字閻梨高祖第十二子工書為當時藩王所推南郡王昭業亦稍工書嘗謂武帝曰臣書固應勝江夏王武帝荅曰閻梨第一法身第二法身即昭業小名齊本傳

白澤

齊文惠太子長懋字雲喬小字白澤武帝長子

齊本傳

維摩

梁昭明太子統字德施小字維摩武帝長子美姿容善舉止讀書數行竝下過目皆憶

梁本傳

四果

梁南康簡王績字世謹小字四果武帝第四子

梁本傳

六真

梁邵陵攜王綸字世調小字六真武帝第六子少聰穎博學善屬文尤工尺牘

梁本傳

明進

隋衛昭王爽字師仁小字明進高祖異母弟

隋本傳

覲地代

隋房陵王勇小名覲地代文帝長子文帝受禪立為皇太子以罪廢黜追封房陵

北史隋傳

益錢

隋庶人諒字德章小字益錢又幼字阿客文帝子開皇初封漢王後以罪幽死

北史隋傳

阿孩

隋齊王暕字世拙小字阿孩煬帝子北史隋本傳

季子

隋趙王杲小字季子煬帝子北史隋本傳

毗沙門

唐隱太子建成小字毗沙門高祖子唐本傳

三胡

唐巢刺王元吉小字三胡高祖子與建成謀作亂

伏誅唐本傳

漢

中龍羊祜聞之曰此必水軍有功當思應其名

者耳乃表濬為監益州諸軍事加龍驤將軍竟平

吳晉羊祜傳

齊奴

右崇字季倫大司馬侍中苞子崇生于青州故小

字齊奴晉本傳

阿龍

王導字弘茂鎮軍司馬裁子小字阿龍少有風鑒

識量清遠位丞相進封始興郡公卒謚文獻晉本傳

王丞相拜司空廷尉桓彝作兩髻葛裙策杖路邊

窺之嘆曰人言阿龍超阿龍故自超不覺至臺門

世說

阿太

王悅字長豫丞相導子小字阿太位吳王友中書侍郎贈常侍始興貞世子

世說錄

阿螭

王恬字敬豫丞相導子小字阿螭位吳國會稽內史散騎常侍卒謚曰憲恬少好武不為公門所重導見悅輒喜見恬更有怒色恬多技藝善奕碁為中興第一

晉本傳

大奴

王劭字敬倫丞相導子小字大奴位建威將軍尚書僕射中領軍卒謚曰簡

世說錄

小奴

王薈字敬文丞相導子小字小奴位鎮軍將軍散騎常侍贈衛將軍

王僧彌

世

謝車騎

玄

共王小奴許集僧彌舉酒勸

謝云奉使君一觴謝曰可爾僧彌勃然作色曰汝故是吳興谿中釣碣耳何敢譁張謝徐撫掌而笑曰衛君僧彌殊不肅省乃侵陵上國也

世說

阿黑

王敦字處仲治書御史基子丞相導從父兄也小字阿黑位大將軍

王大將軍始欲下都處分樹置先遣參軍告朝廷諷旨時賢祖車騎遜尚未鎮壽春瞋目厲聲語使人曰卿語阿黑何敢不遜催攝向去須臾不爾我將三千兵架脚令上王聞之而止世說錄

阿戎

王戎字濬仲貞陵侯渾子小字阿戎位司徒以功封安豐縣侯薨謚曰元

阮籍素與渾友戎年十五阮曰濬冲清賞非卿倫也與卿言不如與阿戎談世說錄

阿菟

王羲之字逸少淮南太守曠子小字阿菟位臨川太守右將軍會稽內史卒贈金紫光祿大夫世說錄

阿齡

王胡之字脩齡驃騎將軍廙子小字阿齡位司州刺史世說錄

胡之治身清約以風操自居謝太傅安語劉惔阿齡於此事故欲太厲劉曰亦名士之高操者世說錄

古賢小字錄 卷上
十一
虎牯

王彭之字安壽右僕射彬子小字虎牯位黃門郎
襲爵 世說敘錄

虎犢

王彪之字叔虎彭之弟小字虎犢位光祿大夫尚
書令儀同三司卒贈曰簡

王右軍在南丞相導與書每嘆子姪不令云虎牯
虎犢還其所如彪之年二十而頭鬚皓白時人謂
之王白鬚少有局幹之稱 世說敘錄

荆產

王徽字幼仁南鄉侯澄子小字荆產位右軍司馬
劉惔云人想王荆產佳此想長松下當有清風耳
世說

法護 阿瓜

王珣字元琳中領軍洽子小字法護又小字阿瓜
位前將軍司徒東亭侯卒謚獻穆謝太傅 安領中
書監王東亭有事應同上省王後至坐促王謝雖
不通太傅猶歛容待之王神意間暢謝公傾目還
謂劉夫人曰向見阿瓜故自未易有雖不相關正
自使人不能已已 世說

僧彌

王珉字季琰珣弟小字僧彌有才藝擅書名出兄右時人語曰僧彌難為兄法護難為弟代獻之為中書令時謂小令卒贈太常世說

阿奴

王濛字仲祖新淦令訥子小字阿奴位司徒左長史

劉惔撫王長史背曰阿奴比丞相導但有都長美都也劉惔王長史同坐長史酒酣起舞劉惔曰阿奴今日不復減向子期類向秀之任率也世說

荀子

王修字敬仁司徒左長史濛子小字荀子明秀有美稱善隸行書起家著作郎轉中軍司馬晉本傳劉惔至王長史許清言荀子年十三倚牀邊聽既去問父曰劉惔語何如尊長史曰韶音令辭不如我往輒破的勝我世說

阿興

王蘊字叔仁修弟小字阿興位左將軍左僕射會稽內史卒追贈光祿大夫世稱荀子秀出阿興清和世說

古賢傳金卷一
阿訥

王坦之字文度尚書令述子小字阿訥位中書令
北中郎將左衛將軍襲封藍田侯卒謚曰憲

世說敘錄

阿智

王處之字文將述子小字阿智州辟別駕不就

世

說敘錄

僧恩

王禕之字文劭述子小字僧恩位中書侍郎年未
三十而卒

世說敘錄

駒

王愉字茂和小字駒晉尚書僕射江左冠族子綏
亦有重名

陸龜蒙小字錄

佛大

王忱字元達坦之子小字佛大位建威將軍荊州
刺史卒贈右將軍謚曰穆

王佛大歎言三日不飲酒覺形神不復相親為吏
部郎嘗作選草臨當奏王僧彌來聊出示之僧彌
得便以已意改易所選者近半佛大甚以為佳更
寫即奏

世說

甯

王恭字季伯左僕射蘊子小字甯位前將軍贈侍中太保謚曰忠簡 世說敘錄

齊

王熙字叔和蘊子小字齊 世說敘錄

睹

王爽字季明蘊子小字睹位黃門侍郎寧朔將軍

世說敘錄

堅石

謝尚字仁祖咸寧侯鯤子小字堅石初為王導掾襲爵咸寧侯鎮西將軍卒謚曰簡 世說敘錄

虎子

謝據字玄通吏部尚書袁第二子小字虎子號中郎 世說敘錄

末婢

謝琰字元度太傅安子小字末婢位輔國將軍以功封望蔡縣公會稽內史為孫恩所害贈侍中司空謚忠肅 世說敘錄

封

謝韶字穆度散騎常侍萬子小字封位車騎司馬

世說敘錄

胡兒

謝朗字長度安次兄據長子小字胡兒名亞於玄仕至東陽太守

謝太傅安雪寒日內集與兒女講論文義俄而雪驟公忻然曰白雪紛紛何所似兄子胡兒曰撒鹽空中差可擬兄女曰未若柳絮因風起公大笑樂即公太兄奕女名道蘊右將軍王凝之妻也世說叙錄

遏

謝玄字幼度鎮西將軍奕子小字遏晉都督徐兗青司冀幽并七州軍事封康樂公卒謚獻武

謝太傅安因子弟集聚問毛詩何句最佳遏稱曰昔我往矣楊柳依依今我來思雨雪霏霏公曰許謨定命遠猶辰告謂此句偏有雅人深致世說叙錄

末

謝淵字叔度奕子小字末晉義興太守世說敘錄

益壽

謝混字叔源望蔡縣公琰子本字益壽襲爵歷中書令中領軍尚書左僕射以黨劉毅誅國除及宋武受禪謝晦謂劉裕曰陛下應天受命登壇日恨不得謝益壽捧璽鞞裕亦嘆曰吾甚恨之使後生

不得見其風流 晉本傳

買得

桓沖字幼子散騎常侍彞子晉護南蠻校尉車騎將軍荊州刺史卒謚宣穆沖溫弟也初彞亡後沖兄弟並少家貧母患需羊以解無由得之溫乃以沖爲質羊主甚富言不欲爲質幸爲義買得郎及沖爲江州出射羊主於射堂邊看沖識之謂曰我買得也遂厚報之 晉本傳

石頭

桓熙字伯道南郡公溫子小字石頭爲中徒長沙

世說敘錄

式

桓歆字叔道溫子小字式臨賀公 世說敘錄

靈寶

桓玄字敬道溫孽子小字靈寶襲封南郡公年三十六伏誅其母馬氏常與溫同輦夜坐月下見流星墜銅盆中如寸二火珠競以瓢接取獨馬氏得而吞之有感遂娠及生有光照室占者奇之故小名曰靈寶 晉本傳

桓宣武夢玄五歲服始除桓車騎 沖與送故文武

別因指玄此皆汝家故吏佐玄應聲慟哭酸感傷人車騎每自目已坐曰靈寶成人當以此坐還之鞠愛過於所生世說

鎮惡

桓石虔司空豁子小字鎮惡冠軍將軍作塘侯卒追贈右將軍

石虔年十七八未被舉而童隸已呼為鎮惡即嘗往宣武齋頭從征枋頭車騎沖沒陣左右莫敢先救宣武謂曰汝叔落賊汝知否石虔聞之氣甚奮命朱辟為副策馬於數萬象中莫有抗者徑取沖

還三軍嘆服河朔後以其名斷瘡世說

豹奴

桓嗣字恭祖車騎將軍沖子小字豹奴領江夏相追贈南中郎將謚曰靖

桓豹奴是王丹陽外甥王丹陽混字奉正晉丹陽尹形似其舅

桓甚諱之宣武云不恒相似時似耳恒似是形時似是神恒逾不悅世說

崖

桓修字承祖沖子小字崖位龍驤將軍為劉裕所誅

桓玄素輕桓崖崖在京下有**好桃玄**連就求之遂不得佳者玄與殷仲文書以爲嗤笑曰德之休明肅慎貢其楛矢如其不爾籬壁間物亦不可得也

世說

子野

一云野王

桓伊字叔夏譙國鍾人小字子野一云野王累遷豫州刺史贈右將軍少有志藝善音律爲王濛劉惔所知有蔡邕柯亭笛嘗自吹

王子猷出都尚在渚下舊聞桓子野善吹笛而不相識遇桓于岍上過王在船中客之識之者云是桓子野王便令人與相聞云聞君善吹笛試爲我一奏桓時已貴顯素聞王名即便回下車踞胡牀爲三調弄畢便上車去客主不交一言

阿恭

庾會字會宗太尉亮子小字阿恭年十九爲蘇峻所害

庾太尉風儀偉長不輕舉止時人皆以爲假亮有大兒數歲雅重之質便自如此人知是天性温太真嘗隱幃但之乃兒神色恬然乃徐跪曰君侯何以爲此論者謂不減亮或云見阿恭知元規非假

世說

道恩

庾羲字義叔亮子小字道恩晉吳國內史世說敘錄

道季

庾龢亮子小字道季晉中領軍世說敘錄

赤玉

庾統字長仁衛將軍惔子小字赤玉少有令名仕至建成將軍潯陽太守

簡文帝曰庾赤玉省率治除謝仁祖常云庾赤玉

胷中無宿物世說

玉臺

庾友字惠彥又字弘之司空冰第三子小字玉臺晉中書郎東陽太守

庾玉臺希之弟也希誅將及玉臺玉臺子婦宣武弟桓豁女也徒跣求進闈禁不內女厲聲曰是何小人我伯父門不聽我前因突入號泣謂曰庾玉臺常因人脚短三寸當復能作賊不宣武笑曰婿故自急遂原玉臺一門世說

倪

庾倩字少彥冰子小字倪晉太宰長史世說敘錄

園客

庾爰之字仲真車騎將軍翼子小字園客有父風仕至輔國將軍

庾翼為荊州臨終自表其子園客自代朝廷慮其不從命未知所遣乃共議用桓溫劉惔曰使伊去必能克定西楚恐不可復制後果如惔言世說

嘉賓

郗超字景興司空愔子小字嘉賓晉中書侍郎司徒左長史超少有才氣越世負俗不循常檢時人為一代盛譽語曰盛德日新郗嘉賓江東獨步王

文叔

坦之字文叔世說

倉

郗融字景山愔子小字倉

世說敘錄

阿乞

郗恢字道胤東安伯曇子小字阿乞襲爵征虜將軍秦州刺史贈鎮軍將軍

世說敘錄

羊

袁喬字彥叔光祿大夫瓌子小字羊龍驤將軍湘西伯卒追贈益州刺史謚曰簡

袁羊嘗詣劉恢恢在內眠未起袁因作詩調之曰

角枕粲文茵錦衾爛長筵

唐風詩曰角枕粲兮錦衾爛兮予美亡此誰與

獨曰表劉尚晉明帝女主見詩不平曰表羊古之

遺狂世說

虎

衛玠字叔寶黃門郎恒子小字虎晉太子洗馬世說

敘錄

表宏字彥伯臨汝令昺子小字虎晉陽東郡守時號表開美故王子敬詩云表生開美度桓公入洛過淮泗踐北境與諸僚屬登平乘樓眺矚中原慨然曰遂使神州陸沈百年丘墟王夷甫諸人不得

不任其責表虎率爾對曰運自有廢興豈必諸人之過桓公慄然作色顧謂四座曰諸君頗聞劉景升否有大牛重千斤噉芻豆十倍于常牛負重致遠曾不若一羸特魏武入荊州烹以饗士卒于時莫不稱快意以况表四座皆駭表亦失色世說

阿訥

許詢字玄度小字阿訥世說敘錄

映

先生名邁字叔玄許劭第四子小名映清虛懷道遐棲物外故自改名遠遊與王右軍父子周旋子

猷乃修在三之敬真誥

揆

長史名謚字思玄一名穆許副第五子少知名儒雅清素博學有才章長史三男長男名叻小名揆

真誥

虎牙

許長史中男名聯字元暉小名虎牙謝安爲護軍引爲功曹除永康令衛尉丞晉康太守不之官又爲輔國司馬真誥

玉斧

許長史小男名翹字道翔小字玉斧幼有珪璋標挺長史器異之郡舉上計掾簿並不赴清秀瑩潔糠粃塵務居雷平山下修業勤精常願早遊洞室不欲久停人世遠詣北洞告終真誥有云瓊刃者譬許掾小名也真誥

嗣伯

許確字義玄副第七子小名嗣伯梗槩有大度好學出爲桓温揚州從事謝安衛軍參軍隨謝玄討苻堅有功封都鄉侯真誥

道助

吳坦之字處靖堅子小字道助濮陽人仕至西中

郎功曹 世說

附子

吳隱之字處默坦之弟小字附子兄弟居在丹陽郡俱有孝行後遭母喪童夫人艱朝夕哭臨及思至賓客弔省號痛哀絕路人為之落淚韓康伯時為丹陽尹母揚州刺史殷浩之妹在郡鄰居每聞二吳之哭輒為悽惻語康伯曰汝若為選官當好料理此人康伯亦甚相知韓後果為吏部尚書大吳不免制哀小吳遂大貴達 世說

阿源

殷浩字淵源光祿勳羨子小字阿源晉中軍將軍揚州刺史

桓公語嘉賓阿源有德有言向使作令僕足以儀刑百揆朝廷用違其才耳 世說

胡奴

陶範字道則太尉 侃 第十子晉書作第九子小字胡奴諸子中最知名歷尚書祕書監

袁宏始作東征賦都不道陶公胡奴誘之狹室中臨以白刃曰先公勲業如是君作東征賦何相忽

略宏寤覺無計便答我大道公何以云無因誦曰
精金百鍊在割能斷功則治人職思靖亂長沙之
勲爲史所讚世說

盧奴

江鼓字仲凱僕射彪子小字盧奴鼓歷內外簡
著稱位瑯琊內史驃騎咨議參軍王恭欲請江盧
奴爲長史晨往詣江江猶在帳中王坐不敢卽言
良久乃得及江不應直喚人取酒自飲一盞又不
與王王且笑且言那得獨飲江云卿亦復須耶更
使酌與王王飲酒畢因得自解去未出戶江曰人

自量固爲難世說

阿奴

周謨字叔治浚子小字阿奴兄顓字伯仁尚書左
僕射次兄嵩字仲智

周伯仁母冬至舉酒賜三子曰吾本謂渡江託足
無所爾家有相爾等並羅列吾前復何憂周嵩起
長跪泣曰不如阿母言伯仁爲人志大而才短名
重而識闇好乘人之弊此非自全之道嵩性狠抗
亦不容于世唯阿奴碌碌當在阿母目下耳世說

僧奴

孫騰字北海餘杭令統子小字僧奴仕至廷尉世

說敘錄

盤龍

劉毅字希樂彭城人小字盤龍仕至晉都督淮南五郡諸軍事初桓玄在南州起齋悉畫盤龍於其上號為盤龍齋毅小字盤龍至是遂居之晉本傳

麟

張湛字處度小字麟張麟酒後好挽歌甚悽苦車騎桓冲曰卿非田橫門人何故頓爾至此世說

期生

褚爽字弘茂祕書監歆子小字期生晉義興人守贈金紫光祿大夫世說敘錄

武生

毛穆之字憲祖征虜將軍寶子小字武生晉本傳

長生

李暹字玄盛隴西成紀人小字長生晉涼武昭王晉本傳

獨活

張天錫字純嘏駿少子也小名獨活曾祖軌永嘉中為涼州刺史值京師大亂遂據涼土天錫篡位

自立為涼州牧自軌為涼州至天錫凡九世七十
六年符堅使姚萇攻沒涼州天錫歸長安堅以為
侍中後於壽陽俱敗遂南歸拜散騎常侍西平公

世說

蝮

曹茂之字永世小字蝮少府卿曼子仕晉至尚書

郎

庾道季云廉頗相如雖千載上死人懍懍常如有
生氣曹蝮李志志字溫祖仕至員外常侍南康相雖見在厭厭如
九泉下人人皆如此便可結繩而治但恐狐狸猶

貉噉盡言人皆如曹李質魯晉天

元龍

盧循字子先司空從事中郎湛之曾孫小字元龍
晉征虜將軍廣州刺史平越中郎將晉本傳

古賢小字錄卷下

宋成忠郎緝熙殿國史實錄院秘書省搜訪官陳思纂次

宋

阿荅

王蘊字彥深太中大夫楷子小字阿荅宋湘州刺

史給事黃門侍郎 陽侯伏誅

世說敘錄

童烏

王絢字長素太傅或子小字童烏宋秘書丞卒謚

曰恭

世說敘錄

道兒

謝述字景先宣城內史允子小字道兒宋吳興太守左將軍劉湛並與述為異常之交述美風姿善舉止湛每謂人曰我見謝道兒未嘗足

宋本傳

客兒

謝靈運太傅玄孫祕書郎璵子小字客兒襲封康樂公永嘉太守臨川內史元嘉十年伏誅

世說敘錄

阿連

謝惠連給事方明子小字阿連宋彭城王義康法

曹參軍

世說敘錄

阿多

謝曜晉黃門郎思子小字阿多宋御史中丞

世說敘錄

佛佛

褚澹之字仲原晉義興太守爽子小字佛佛位尚書吏部廷尉卿左衛將軍謚曰質宋武帝以舊功愛之會稽郡有闕朝議欲用蔡廓為之武帝曰彼自是蔡家佳兒何關人事可用佛佛乃用澹之為

會稽太守

宋本傳

阿壽

劉敬宣字萬壽鎮北將軍牢之子小字阿壽為青州都督諸葛長民遺書敬宣曰盤龍狼戾專恣夷

滅異端將盡世路方夷富貴之事相與共之敬宜遣使進呈高祖謂王誕曰阿壽故爲不負我也宋

傳本

愍孫

袁粲字景倩父早卒祖哀其孤幼名之曰愍孫宋尚書令開府儀同三司司徒宋本傳

斑獸

劉湛字弘義小字斑獸太祖自豫州長史詔爲大子詹事兼給事時彭城王義康專執朝權而湛昔爲上佐遂以舊情委心自結晚節驅煽義康陵轢

朝廷上謂所親曰劉斑初自西還吾與語常日早晚慮其當去此入亦看日早晚慮其不法湛小字斑獸故云斑也遷丹陽尹詹事如故後謀亂伏誅

宋本傳

道民

劉穆之字道和小字道民宋尚書左僕射前將軍追封南康郡王謚文宣宋本傳

干木

徐羨之字宗之小字干木時傅亮任寄隆重朝廷典儀皆取定于亮蔡廓徵爲吏部尚書因北地傳

隆問亮選事亮以語錄尚書徐羨之美之曰黃門
郎以下悉以委蔡吾徒不復厝懷自此以上固宜
共參同異廓曰我不能為徐干木署紙尾遂不拜
干木羨之小字也 宋本傳

僂童

徐湛之字孝源司空羨之從孫小字仙童幼孤為
武帝所愛范曄等謀反湛之始與之同後發其事
為曄等款辭所連有司以湛之關豫疑當請免官
削爵付廷尉上不許湛之詣闕上書請罪上優詔
不許始曄付廷尉入獄然後知為湛之所發後與

謝綜等隔壁遙問綜曰疑誰所告綜曰不知曄乃
稱湛之小名曰乃是徐仙童也 宋本傳

磚兒

范曄字蔚宗車騎將軍泰子小字磚兒母如廁產
之額為磚所傷故以磚為小字少好學善為文章
位左衛將軍太子詹事與謝綜等謀反伏誅 宋本傳

梨 檀

張敷字景胤小字檀父劭字茂宗小字梨宋文帝
戲曰檀何如梨敷對曰梨是百果之宗檀何敢及
也 宋本傳

約

傳瑗字叔玉晉御史中丞咸孫小字約仕至安成

太守 世說敘錄

女生

魯爽小字女生扶風郡人南歸仕至豫州刺史加

都督 宋本傳

天念

魯秀爽弟小字天念仕魏太武與爽南歸文帝悅

以爽為司州刺史秀為滎陽潁州二郡太守孝武

即位以為司州刺史加都督領汝南太守 宋本傳

生

劉凝之字隱安小名長生宋朝隱逸不仕 宋本傳

阿舒

阿宣

雍端通

宋徵士陶潛集載貢子詩曰白髮被兩鬢肌膚不

復實雖有五男兒總不好紙筆阿舒已二八懶惰

故無匹阿宣行志學而不愛文術雍端年十三不

識六與七通子垂九齡但覓東與栗天運苟如此

且進盃中物

舒名儼宣名侯雍名份端名佚通名佚皆小名也

齊

彥孫

王粹字景深豫章侯僧綽子小字彥孫齊黃門侍

郎世說敘錄

史公

字偉才宋左僕射顓子小字史公齊侍中卒

謚曰靖世說敘錄

苟兒

張敬兒南陽冠軍人父醜為郡將始其母中

卧夢犬子有角舐之因感而有娠而生敬兒故初

名苟兒宋明帝嫌苟兒名鄙改為敬兒位至開府

儀同三司齊本傳

梁

迦葉

蕭藻字靜善小字迦葉善屬文猶好古律高祖每

稱其小字嘆曰子弟如迦葉吾復何憂更遷開府

儀同中書令侍中梁本傳

養

王泰字仲通冠軍將軍慈子小字養梁驍騎將軍

謚曰夷 世說敘錄

炬

王筠字元禮太中大夫揖子小字炬梁太子詹事

世說敘錄

文殊

王訓字懷範國子祭酒暕子小字文殊梁侍中卒

謚温子 世說敘錄

阿士

劉孝綽字 齊大司馬從事中郎繪子小字阿

士七歲能屬文舅齊中書郎王融深賞異之親友

號曰神童融每曰天下文章若無我當歸阿士 梁

本傳

阿堆

任昉字彥升樂安人齊中散大夫遥子小字阿堆

幼而聰敏早稱神悟八歲能屬文從叔晷有知人

之量見而稱其小名曰阿堆吾家千里駒也仕梁

至太常 梁本傳

東里 西華

南容 北叟

任昉有四子東里西華南容北叟並無術業墜其

家聲兄弟流離不能自振生平舊交莫有收卹西
華冬月着葛帔練裙道逢平原劉孝標法然矜之
謂曰我當爲卿作計乃著廣絕交論以譏其舊友
到溉見其論抵之於地終身恨之東里位尚書外
兵郎 梁任昉傳

僧伽

劉之遴字思貞虬子小字僧伽八歲能屬文虬曰
此兒必以文興吾宗時有沙門僧惠有異識每詣
虬必呼之遴小字曰僧伽福德兒握手而進之仕
梁位都官尚書太常卿 梁本傳

陳

僧悅

徐陵字孝穆侍中摛子善屬文爲兒時小字僧悅
陵年數歲家人携以候沙門釋寶誌誌摩其頂曰
天上石麒麟也位至光祿大夫太子少傅特進 陳

蠻奴

任忠字奉誠小字蠻奴詭譎多計略膂力過人尤
善騎射累以戰功進領南將軍 陳本傳

後趙

棘奴

冉閔字永曾小字棘奴石季龍養孫也父瞻字弘武本姓冉名良魏郡內黃人也閔幼而果銳季龍撫之如孫及長身長八尺善謀策勇力絕人

晉載記

前秦

肩頭

苻堅字永固一文王雄之子也小字肩頭祖洪從石季龍徙于永貴里堅生背有赤文隱起成字曰草付臣又土王咸陽臂垂過膝目有紫光洪奇而愛之名曰肩頭

晉載記

前燕

鳳凰

慕容冲小字鳳凰苻堅之滅燕慕容冲姊偽清河公主年十四有殊色堅納之寵冠後庭冲年十二亦有龍陽之姿堅又幸之姊弟專寵宮人莫進長安歌之曰一雌復一雄雙飛入紫宮咸懼為亂王猛切諫堅乃出冲長安又謠曰鳳凰鳳凰止阿房堅以鳳凰非梧桐不棲非竹實不食堅乃植桐竹數十萬株於阿房以待之冲小字鳳凰至是終為堅賊入止阿房城焉

晉載記苻堅傳

後燕

惡奴

慕容農小字惡奴垂第三子 晉載記

秃頭

慕容雲字子雨寶之養子也父名拔姓高氏小字秃頭三子而雲季也初童謠曰一束藁兩頭然秃頭小兒來滅燕藁字上有草下有禾兩頭然則禾草俱盡而成高字垂少子燕竟為雲所滅如童謠焉 晉載記

後魏

烏頭

房法壽小字烏頭清河東武城人幼孤少好射獵仕至魏郡太守以功封壯武侯 本傳

白頭

盧景裕字仲孺太常丞靜子小字白頭少敏專經為學謙恭守道貞素自得位中書郎除國子博士

本傳

柰

畢衆敬小名柰少好弓馬仕宋至泰山太守後北歸皇興初拜散騎常侍兗州刺史賜爵東平公 本傳

陧兒

畢異雲衆敬子小字陧兒少粗俠文宣受禪累遷御史中丞後爲司徒左長史

本傳

真奴

李訢字元盛小字真奴范陽人父崇率十郡歸降太武甚禮之以爲幽州刺史固安侯訢位至司空

本傳

秦玉

楊愔字遵彥小字秦玉神武時位至行臺右丞

本傳

黃頭

游雅字伯度小字黃頭太武時爲祕書監卒贈相州刺史謚曰宣侯

本傳

繼伯

李崇字季長小字寄伯文成元后第二兄誕之子

襲爵陳留公鎮西大將軍

本傳

記祖

酈範字世則范陽人小字記祖少給事東宮累遷尚書右丞平東將軍青州刺史假范陽公卒謚曰

穆

本傳

桃簡

崔浩字伯源白馬公宏長子小字桃簡少好文學博覽經史玄象陰陽百家之書無不關綜研精義理位至侍中特進領軍大將軍左光祿大夫世祖朝被誅浩之姻親盡夷其族本傳

周兒

崔頥小名周兒位至冀州刺史始崔浩與冀州刺史崔頥樂陽太陽崔模年皆相次浩恃其家世常侮頥模模謂人曰桃簡正浩為長次模次頥三人別祖而模頥為親可欺我何合輕我家周兒邪浩小名桃簡頥小名周兒世祖頗聞之故誅浩時二

家獲免本傳

陽烏

盧淵字伯源平東將軍度世子小字陽烏敦尚學業位至祕書監贈安北將軍幽州刺史謚曰懿本傳

洪崖

盧敏字仲通淵弟小字洪崖少有大量太和初拜議郎早卒贈威遠將軍范陽太守謚曰靖

師顏

盧景字叔達淵弟小字師顏學涉經史早有時譽位至太常卿進號鎮西將軍加散騎常侍卒謚曰

穆

羨夏

盧尚之字季孺景弟小字羨夏亦以儒素見重位光祿大夫卒贈散騎常侍安東將軍青州刺史

皮

裴駿字神駒小名皮弘農太守雙頤子幼而聰慧親表稱爲神駒因以爲字弱冠通涉經史崔浩深器之目爲三河領袖位中書侍郎

金

盧仲宣儀曹郎中觀弟小名金才學優洽兄弟俱

以文章顯位至太尉

巨引

于謙字思敬小字巨引沉深有識量略窺經史尤好孫子兵書位至雍州牧薨贈加使持節太師雍恒等二十州諸軍事謚曰文

夜义

元义字伯雋江陽王繼長子小名夜义靈太后臨朝以义妹夫除通直散騎常侍後位至尚書令侍中

冀歸

長孫稚字承業小名冀歸年六歲襲爵降爲公高祖以其幼承家業賜名稚字承業聰敏有才藝累以戰功遷太傅俱本傳

北齊

須拔

趙郡王琛字元寶齊神武皇帝之弟子敞小名須拔幼孤聰慧夙成特爲神武所愛養于宮中襲爵南趙郡公天保二年出爲定州刺史六州大都督時年十七稱爲良牧

佛助

魏收字伯起鉅鹿人小字佛助少機警年十五能屬文天保中詔撰魏史表而上之

桂

李裔字徽伯小字桂性溫直太和中爲頓丘相豪右畏之齊神武大丞相諮議參軍參定策功封固安伯爲後軍大將軍陝州刺史周文帝攻剋州城遇害

皮

封隆之字祖裔小名皮寬和有度量累遷河內太守齊神武贈太保謚宣懿

搔

封繪字仲藻隆之子小名搔釋褐祕書郎累遷平陽太守徵補大行臺吏部郎中文襄徵拜儀同三司右僕射卒謚簡子俱本傳

後周

沙門

王軌小字沙門漢司徒允之後世爲州郡冠族高祖卽位頗有戰功周文帝遇之甚厚以功進位上將軍郟國公

永貴

宇文貴字永貴貴母初孕夢老人抱一子授之曰賜爾是子俾壽且貴及生形類所夢故以永貴字之歷位大司徒遷太保

沙彌

王晞字叔朗小名沙彌幼而孝謹好學不倦魏神武補中外兵曹參軍齊天保初行太原郡事齊亡周武帝以晞爲儀同大將軍開皇元年卒俱本傳

蘭成

庾信字子山父肩吾梁太子中庶子小名蘭成幼而俊邁聰敏絕倫有天竺僧呼信爲蘭成因以爲

小字西魏留長安周孝閔帝踐祚拜洛州刺史後
作哀江南賦有曰王子洛濱之歲蘭成射策之年

陸龜蒙
小名錄

隋

洪兒

李敏字樹生小字洪兒父崇為幽州總管突厥所
圍死之高祖以其父死王事養于宮中及長襲爵
肅宗公起家五千牛敏美姿儀善騎射從征高麗
加光祿大夫或言敏一名洪兒煬帝疑洪字當讖
嘗面告之冀其引決由是大懼敏數與金才等屏

入私語宇文述知而奏帝乃伏誅

釋奴

盧思道字子行祖陽烏淵小字父道亮隱居不仕思

道小字釋奴聰爽俊辯才學兼著左僕射楊彥薦
之于朝直中書省周武平齊授儀同三司開皇初
徵為散騎侍郎

龍子

盧昌衡字子筠魏尚書僕射道處子小字龍子風
神澹雅容止可法博涉經史從弟思道小字釋奴
宗中俱稱英妙故幽州為之語曰盧家千里釋奴

龍子齊受禪太子舍人遷金部郎中周武平齊授
司王中士隋開皇初拜尚書祠部侍郎仁壽中授
儀同三司大業初徵爲太子詹事

俱本傳

唐

阿買

韓退之集載醉贈張秘書詩人皆勸我酒我若耳
不聞今日到君家呼酒持勸君爲此座上士及余
各爲文君詩多態度藹藹春空雲東野動驚俗天
葩吐奇芬張籍學古淡軒昂避雞羣阿買不識字
頗知書八分詩成使之寫亦足張吾軍

云云或問

陽五

周德威字鎮遠小字陽五朔州馬邑人德威身長
面黑笑不改容凡對敵列陣凜凜然有肅殺之風
同光初追贈太師配享莊宗廟

鐵山

薛志勤蔚州奉誠人小字鐵山初爲獻祖帳中親
信武皇定雲中授右牙都校後以功爲大同軍防
禦使檢校司空乾寧初爲昭義軍節度使

雲郎

王都本姓劉小字雲郎中山涇邑人太原王王處

直養爲已子後奪據父位遷太尉侍中周玄貌見之曰王都形似鯉魚難免刀机明宗卽位加中書令以其奪據父位心深惡之後以謀叛自焚

生鐵

張敬達字志通代州人小字生鐵少以騎射著名明宗卽位拜檢校太保應州節度使清泰中自彭門移鎮平陽加檢校少傅末帝詔以敬達爲北面行營都招討使以定州節度楊光遠副馬以軍敗爲安審琦楊光遠斬敬達首以降晉俱舊五代史唐傳

阿檀

青衫垂白鬚於菟駿猛不類凜指揮黃熊駕黑羆砂丹紫射不用塗眼光百步走妖狐妖狐莫誇智有餘不勞搖牙咀爾徒東坡文集

米友仁字元暉禮部外郎元章子小字虎兒位至兵部侍郎敷文閣待制幼年山谷贈詩云我有元暉古印章印刻不忍與諸郎虎兒筆力能扛鼎教字元暉繼阿章山谷文集

梁羅

蘓遲小名梁适小名羅並子由子東坡詩載端午遊真如遲适遠從子由在酒局云一與子由別卻

數七端午隨身綵絲繫心與昌獨苦今年匹馬來
佳節日夜數兒童喜我至典衣具雞黍水餅旣懷
鄉飯筒仍愍楚謂言必一醉快作西川語寧知是
官身糟麴困薰煮獨携三子出古剎訪禪祖高談
付梁羅梁羅遲
适小名詩律到阿虎遠小名歸來一調笑慰
此長齟齬東坡文集